



السنة التحضرية
جامعة طيبة

رغد الأحمدى

TELEGRAM:@THE TIP

السلام عليكم.. بما انها فترة تقديم عالجامعات، اكيد كثير منكم عنده أسئلة
بخصوص السنة التحضيرية في جامعة طيبة، هذا الملف يجاوبكم ويوضح
لكم أغلب النقاط اللي عليها استفهام

أنا مين ✅

انا رغد الأحمدى، اكبر منكم بسنة، خلصت التحضيري الحمد لله وانقلبت
طب وجراحة في جامعة طيبة 💡

اعتذر إذا ازعجكم الكلام باللهجة العامية

♦ نظام السنة التحضيرية ✎

نظام السنة التحضيرية عندنا ترمين حدرس في كل ترم ٥ مواد يكون الإنجلش مشترك في الترمين من بداية السنة حتىقسموا قسمين قسم خطة أ و قسم خطة ب

مواد خطة ب:

أحياء

فيزياء

حاسب آلي

مهارات حياة جامعية

انجلش

مواد خطة أ :

رياضيات

كيمياء

لغة عربية

عقيدة وعبادة

انجلش

♦ القبول والتسجيل والتسكين ✎

▶ بدايةً قبل قبولك بالجامعة الجامعة حتحسب موزونتك الثلاثية بهالمقدار

٣٠% قدرات ٣٠% تحصيلي ٤٠% ثنوية عامة

▶ التسكين هو تسكينك في التخصصات ويطلق أيضاً على النسبة اللي بتسكنك وهي عبارة عن ٣٠% من النسبة الثلاثية + ٧٠% من معدل التحضيري

طريقة حسابها :

مجموع معدل الترمين قسمة اثنين * 14 + موزونتك الثلاثة * 0,30*

وهذى نسب التسكين لسننتا وما قبلها

<https://www.taibahu.edu.sa/Pages/AR/Sector/SectorPage.aspx?ID=40&PageId=277>

الأخياء

درستنا سبعة شباتر فيها وما احتجنا الكتب ابداً بس كانت تجيئنا اسئلة في الاختبار (ينعدو عالاصبع هما ٢ او ٣ في كل الترم) اضطررنا نرجع

للكتاب عشان نلقى الجواب الصح

المادة سهلة سهلة وتحكون أول اختبار لطلاب خطة ب

وحينصدموا وبعضمكم حيجبوا درجات نازلة شوي بس لأنها تجربة جديدة

وماعليكم بعدها حتربط الأمور

تحتاج حفظ المادة اكيد بما انها احياء ومطاحن وقلب ورئة واشياء جديدة

عليكم بس والله سهلة اشياء سطحية بس شوية شدة حيل وحفظ حتربط

فيه اسئلة كانت تلخبطنا مرة تحسو جوابين صحيحة وما نعرف ويختلفوا

الطلاب عندكم رقم دكتورة نبيلة ودكتور العيال كمال منسي حيجاودوا

ومايقصروا

احياناً حتى هما الدكتورة يختلفوا فمن البداية لا تازموا نفسكم وخلی عندك

رصيد درجات لزي كذا اسئلة

• الدكتورة عندنا كانوا دكتورة نبيلة وهيا افضل افضل شيء وتقهم مزبوط

، سارة كانت تتكلم انجلش ويشتكوا منها البنات (كثير من صحباتي درسوا

عندها وعلى كلامهم كانت مو ذاك القد في الشرح بس والله حتى لو

دكتورك اي كلام المادة تمشي معاك بالحفظ(سلайд واضح ومفهوم

والدكتورة يسو مراجعات قبل الاختبارات لو طلبتواهم)، عتاب مرة لطيفة

وبجد تحاول توصل المعلومة قد ما تقدر شويا صوتها كان واطي فما

يسمعوا البنات

الفيزياء

والله مادة سهلة سهلة سهلة جداً جداً، حتى اللي ما يحبها

شوية مصطلحات على شوية قوانين سطحية وشغل حاسبة
ووضعك بالسليم، مصدر المذكرة **السلайд** درستنا ٥
شباتر والفاينل كان ٤ شباتر، مهم مرة تشوفوا أسئلة
الجبالي أغلب الإختبار كان نفس افكارها

الكويز الثاني كثير جابوا العيد فيه وهو كان سهل مدرسي
ايش السبب، حتى الجزئية كانت سهلة بس ركزوا فيها
مادة سهلة ودرجاتها بجيكم بس تحتاج مذاكرة كويسة
وفهم اللي يصعب عليكم لازم ترجعي للدكتورة تفهمك
هو

• الدكتورة : عزة هي الافضل بس الصدق انا حضرت
لها مرة وتوترت سريعة وما تعطيك وقت تفهمي ابداً ،
ريهام تجنن تجنن انصح الكل يروح عندها اذا عندكم
مشاكل بالفيزياء، ندى يقولوا البنات اللي درسوا عندها انها
شوي ماتفهم ، وفيه وحدة سعودية ما اعرف اسمها الصدق
ولا اذكر احد من صحباتي درس عندها

المهارات

مادة حفظ حفظ مصدر المذاكرة هو الكتاب و مافيها اي حاجة منطقية او مفهومية لها ميد و فايبل بس ولها مشروع حيجننك شويا بس بالاخير حتاخذوا الفل مارك كلكم لو ايش ما كان مشروعكم (بس انتو اسعو للافضل) ولها ملف الدكتورتين ما اخذوه من طالباتهم بس تعبوهم عالفااضي حتجننك في الفايبل لان دخل فيه الكتاب كامل والميد دخل وحدتين او ثلاثة اتوقع وكانوا سهلين بس الفايبل شويه كانت ثقيلة من ناحية الفهم واسماء العلماء بس حاولوا قد ما تقدروا تحفظو كل شيء ما تخلو شيء ابدا وتربطو ذا بذلك وتحاول تطلعو منطقية فالمادة عشان تثبت معاكم وفيه تلخيص معاذ العساف حيكون موجود بالحقيقة ان شاء الله راجعوا منه بعد مذاكرتكم حلو وكاتب الزبدة -مايكفي لحاله- لها دكتورتين ابتسام وميرفت وكلهم يناس والله بس ميرفت جننت بناتها اكثر من ابتسام وبالاخير بناتهم اخذو الدرجات كاملة

الحاسب

مادة غثيثة الصدق وشوي طويلة بس نوعاً ما سهلة و كانت اسئلتها شوي عميقه، مصدر المذاكرة الكتاب، السلايدات حقتها كويسته بس ما يعتمد عليها، الاختبار التجريبي مهم مهم ✨
الكويز الاول حيكون كل حفظ وكلام نظري يلخبط شويتين بس الكويز الثاني وورد واجزاء نظرية وهذا كان الاسهل الفايبل كان بور بوينت واكسل وبالنسبة لي كان صعب وكانت فيه اشياء تلخبط لا تستهينو ووا فيه ابدا ابدا وذاكروه كويست (طيرت ٥ درجات في الفايبل يعني كنت حروح فيها والله)
ولها مشروع عليه خمسة والدكاترة يشددو عليه اهتموا له ◆ الدكاترة اللي اعرفهم هنده وهي الافضل في الشرك بس اخلاقها ماش برا القاعة وفي القاعة جبهات ما عندها سلوى درستي كانت من كلية الحاسب بس قالت اخر ترم فما ادرى تكون موجودة على وقتكم بس كانت لطيفة والله وشرحتنا كويست ما قصرت بس كانت دائم تعتبرنا ولا شيء وتقولنا انا تركت طالباتي هناك وجایتكم ولما نحتاجها تشرحنا شيء برا المحاضرة ما تعرفنا وركزوا رکزوا في الشرح لدكتورتكم مهما كانت ولا حتثورطوا بعدين

English

حترسوا ثلات كتب اورنج اخضر ازرق ، وكل كتاب ليفل اعلى تزيد الصعوبة فيه
كل ترم اختبار واحد (ميدتيرم) وفاينل
نصيحي لكم في الانجلش لا تستهينوا في مذكرة الاختبار

كثير ضيعوا الاي بلس في اول ميد لان المنهج كان سهل واستهانوا فيه بعدين طلع هستاق يبغو تحسين وكلنا انصدمنا الصدق دخلنا متوقعين جبنا الفل
مارك بعدين صدمممة، ما فيه شيء يطلع برا الكتاب بس تذاكرروا كوييس كوييس، لا تخلو شيء في الكتاب ما فهمتوه، وفيه أشياء ما تجي بالفهم
فاحفظوها، الحسوا الكتاب والامثلة واسمعوا كل شيء وحلوا كل شيء مرة واثنين وثلاثة واقروا القطع وتتدربوا بالموقع (حيقولوا لكم ان فيه كلمات تجي من الموقع ذاكروها بس طنشوها اهم شيء تتدربوا عالي معакم واخذته بالكتاب ماعليكم بالكلمات الجديدة)
وركزوا في الاختبار لا تستعجلوا 

❖ فيه اختبارين سبيكنق عليهم خمس درجات سهلين مرة تذاكرروا الاسئلة اللي بالكتاب وتروحوا يسالوكم هيا وتجاويبوا بس لا تتوترموا وفيه ملفات مراجعة تنشر وقتها يعني ورقتين كذا تحفظوه هم خلاص

❖ فيه ملف للرايتنيق (بورتفوليوم) خمس درجات كل ما نخلص وحدة نكتب عنها قطعة وتديها دكتورتك تصححها لك وتحدد الاخطاء وترجملك الورقة تكتبيها بورقة ثانية وتصححي اخطائك وبعدها تصححلك الدكتورة الدرجة من ٢٤ حاولو ما تنقصوا فيه وتسالو دكتوركم عن اغلاطكم عشان ما تقعوا فيها مرة ثانية وعشان يعرفك هوا فلو مرة جبت ٢٣ و كنت مهمتهم تقولك عادي احسبها ٢٤ او تقولك اكتبها ثانى فخلو الدكتورة ياخذو انطباع كوييس عنكم وانتو لا تستهينوا بالملف  

❖ فيه موقع تدخلو تحلو اشياء فيه عليه ٥ درجات (انتبهوا لا تحلو من راسكم عشان ما تغلطوا فيه زينا بالبداية  له ملف محلول كله شوفوه وحلو زيه)

❖ فيه اختبار رايتنق لا تشيلوا همه يحددوا لكم ٥ وحدات ولا تحفظوا القطع حقتهم وتروحوا تكتبوها (تطلع ملفات من دكتورة تكون صح ١٠٠٪ اذا تتبعو تذاكروها)
لا تصدقوهم لو قالوا ما نحسب لكم لو كتبتوا زي بعض

العربي

ممكن أسهل مادة في التحضيري، المصدر الكتاب، فيه سلidesات أو مسائل حلوله موسيئة وفيها الزبدة كمان تغنى عن الكتاب، فيه أوراق الهنادوه ما يطلع منها الإختبار والتدريبات حقته حتديكم من عند العيال مهمة، مراجعة الهنادوه في الفاييل مهمة، اليوتيوب مليان أشياء مفيدة، اختبارها أسهل منه ما فيه، ودرجاتها في جييكم ✨٪١٠٠

الإسلامي



مادة ثقيلة، حتاخذ وقت كثير لما تذاكروها، حتشوفوا أشياء بالإختبار تتصدموا وتقولوا مو موجود بالكتاب هالشيء، بس كل شيء موجود بالكتاب، اختبارات التحضيري كلها ما يطلع شيء من الكتاب، مادة تحتاج مذاكرة جيدة جيدة بتركيز وبعمق، وتلخبط مرة الصدق حاولوا تحفظوها كوييس مصدر المذاكرة هو الكتاب، سلidesات دكتورة سعاد حلوة برضو، دكتورة سعاد تعرف الأسئلة وتركتز عليها في محاضرتها انتبهوا معها

الرياضيات

بالنسبة لي أصعب مادة في التحضيري، مادة حيصلكم أول اختبار لها من ناحية الصعوبة والوقت، فذاكروا له كويس، تعودنا نخرج بدرى من الإختبارات، في الرياضيات كثير يقولوا ما كفاهم الوقت فحاولوا تعجلوا وانت تحلوا في الإختبار

🚩 المصدر الوحيد للمذاكرة هو الكتاب، والتمارين اللي يحلوها معاكم الدكتوره بس هي اللي معاكم، لا تشغلو نفسكم بالتمارين وتحلووا كل شيء لأن ما حيجيكم إلا اللي حلته الدكتورة معكم - خصوصاً دكتورة فاطمة شوفوها ايش حلت وذاكروه والباقي اسحبوا عليه وانتم مرتاحين - والريفيجن اللي ينزلوه لكم قبل الإختبار مهم مهم

الأسئلة ما تجي نفس الكتاب بس نفس الأفكار تقريباً، التعريفات ما شفتها بالإختبار أبداً فما يحتاج تذاكروها

● * فيه نقطة على الرياضيات بالصفحات الأخيرة ركزوا عليها*

الكيمياء

مادة بسيطة بس تحتاج مذكرة، فيها مواضيع شوي عميقه زي تسمية المركبات واشياء كذا، مصدرها السلايد بس السلايد حقها كان فعلاً مستقر ومو مرتب زي باقى المواد فتحملوا، والموك اقزام اللي ينزل لكم قبل الإختبار مهم مهم
كمان

دكتورة إسراء وفتحية كلهم يجبنوا ويعرفوا يشرحوا، وعموماً الكيمياء ما تحتاج مدرس، تقدر تفهم نفسك بنفسك وترجع لليوتيوب إذا احتجت شيء والدكتورة موجودين دائمًا في الساعات المكتبية ارجعوا لهم إذا صعب عليكم شيء

♦ التجميّعات ✅

خليت هذا الموضوع بعد ما فصلت في المواد عشان أوصل لكم فكرة أن التجميّعات مو شيء يعتمد عليه في التحضيري، غلط تعتمدوا عليه ١٠٠٪ وتطنعوا المذاكرة من المصادر الأساسية لأن هذا يعتبر غش ورببي ما حيوفكم كذا

صحيح فيه تجميّعات كثير، وتحتدخلوا الإختبار وتجيكم أسئلة كثير من التجميّعات، وتحشوّفوا ناس تحاول تكون الفترات الأخيرة عشان تحفظ أكبر قدر من التجميّعات

لكن هل كل اللي بالتحضيري جابوا درجات كاملة؟ لا مو كلهم، رغم أن التجميّعات كانت بالهيل بس مو كلهم عرفوا يستخدمونها استخدام صحيح



التجميّعات شيء مهم بعد ما تخلصوا مذاكرتكم العادية، مهم مرة تشوّفوها وتعرفوا نوع الأسئلة وتأخذوا فكرة، وتحفظوها إذا مادة أدبية وتفهموها -بدون حفظ-. إذا مادة علمية

لكن ما حتوّفوا إذا استخدموها حالها بدون جهد وتعب شخصي على المصادر الأساسية



♦ كيف يتم حساب معدل التحضيري من المواد ✕

المعدل في جميع الكليات من ٥

من ١٠٠ إلى ٩٥ يعتبر A+

من ٩٥ إلى ٩٠ يعتبر A

من ٩٠ إلى ٨٥ يعتبر B+

من ٨٥ إلى ٨٠ يعتبر B

من ٨٠ إلى ٧٥ يعتبر C+

من ٧٥ إلى ٧٠ يعتبر C

من ٧٠ إلى ٦٥ يعتبر D+

من ٦٥ إلى ٦٠ يعتبر D

أقل من ٦٠ حامل للمادة

إذا جبت في كل المواد A+ بس بدرجات مختلفة ?

مهمما كانت درجتك فأنت جبت 5

إذا جبت في مادة A+ والباقي كله A+ ايش يصير ?

يختلف على حسب تأثير المادة في المعدل

هذا ترتيب تأثير المواد (يكون على حسب ساعات المحاضرات في الأسبوع)

١/ الانجليش هو أكثر مادة تأثر على المعدل

٢/ الرياضيات

٣/ أحياء - فيزياء - كيمياء لهم نفس التأثير

٤/ المواد النظرية الباقيه

♦ نظام الاختبارات ✕

الإختبارات كلها إلكترونية وكلها اختيار من متعدد وكل ثلث عنك اختبار (من الأسبوع الرابع تقريباً من بداية الترم)

أ- المواد العلمية والنظرية * عدا المهارات * لها اختبارين كل اختبار من ٢٥ وفيه ٢٥ أي انه كل سوال عليه درجة وحدة بـ-الفاينل وهو من ٤٠ درجة وبرضو ٤٠ سؤال اختيار من متعدد

المهارات اختبار واحد من ٣٠ وبعدها فاينل من ٤٠ وكلها اختيار من متعدد والأسئلة على نفس الدرجات بحيث كل سؤال عليه درجة

الانجليش يختلف شوي اختبار واحد ميد تيرم من ٣٥ درجة بس ٤٠ سؤال بحيث السؤال واحد عليه ٠,٨ وينقسم عدة اقسام

Reading - Writing - listening language use (grammar and vocabulary)

◆ نظام الدوام ✖

يختلف الدوام من يوم للثاني ومن خطة لخطة وغيره
فالترم الثاني بناء على طلبات البنات فبقولكم على
سنتنا (يعني احتمال كبير يتغير على وقتكم بس ما
يصير تغيرات كبيرة يعني ساعة زيادة ساعة راحت

و حولها)

◆ خطة ب

كنا ندائم يومين ٨ ويومين ٩ ونخرج كل يوم ٤٥:٢

◆ خطة أ

((درستهاانا الترم الثاني))

ندائم كل يوم ٨ ويختلف موعد الخروج أحياناً ٣
واحياناً ١١ وأحياناً ٢٠:١

◆ هل عندنا off ? ✖

لا ما عندكم، لكن يوم الثلاثاء اللي هو يوم الإختبار
 سيكون فقط للإختبار وما عندك أي محاضرة قبله أو
بعده

فيعتبر اجازة حلوة ✨

♦ أنا كويس بالإنجليش أو معي توفل أو أي اختبار ثاني؟ هل يعادل لي الإنجلش؟ ✖

لألاسف ما عندنا معادلة للإنجليش لأي اختبار، كل الإنجلش حدرسه. ولكن، يصير اختبار تحديد مستوى بداية السنة وفي بداية الترم الثاني.. إذا كنت من على الطلاب تروح شعبة "هاي ليفل" الترم الأول كانت فيه شعبتين (يعني على ١٠٠ طالب تقريباً) الترم الثاني صارت شعبة وحدة (على ٥٠ طالب)

♦ هل اللغة الإنجليزية عائق في التحضيري؟ هل لو كانت لغتي بسيطة أو ما أعرف اتحدث أو أكتب بتواجهني مشكلة وما حجيب درجة؟ ✖
الجواب لا لا لا

السنة التحضيرية ما تعتمد على الإنجلزي أبداً، صحيح تحتاج الإنجلش وكل شيء ندرسه انقلش، بس حتى لو كنت زир و بالإنجلش حتمشي لأن ما فيه شيء يخبي لغتك الإنجليزية، كله منهج، تحفظه وتقعده وتروح تحطه بالورقة وتمشي، والإنجليش عندنا تأسيسي جداً وجامعتنا تدرس منهج skills for success وتببدأ دراستكم بالكتاب الأورنج (ليفل ١) والجامعات الثانية اللي تدرسه مثل جامعة الملك سعود ما يدرسوه لطلابهم لأنه بسيط جداً، أكبر فرصة ممكن تستفيد منها هو الإنجلش في التحضيري، كورس متكامل، دكاترة متمكنين، فعلاً هي فرصتك عشان تحسنوا الإنجلش فلا تشيل هم هالنقطة

❖ هل اختباري يكون أصعب لو كنت طالب هاي ليفل؟ ✖
لأ، الإختبارات موحدة وكل شيء يطبق عليكم سواء

❖ كيف أعرف أنا مستوىي كويس وحمسي بالتحضير أو لا؟ ✖

بالبداية مهما كان مستوىك تقدر تمشي 
مستواك تعرفه بأنك تشوف مقاطع ناس تتكلّم بس لا تكون مادة علمية لأن أغلبها بيكون مصطلحات علمية وطبيعي ما تفهم
شوف حديث عن أي شيء عام، عن يومه، عن تجربته بدراسة أشياء
كذا بسيطة
وشوف بالأخير هل أنت مستوعب عن ايش تحدث؟ الفكرة العامة
فهمتها أو لا؟ عشان تشوف انتا قادر تمشي مع الدكاترة (الأجانب
منهم) اللي هم متحدثين أصلين ما يعرفوا ولا كلمة عربي

❖ ايش مميزاتي كطالب هاي ليفل كلاس ✖

تحذف لك محاضرة أو محاضرتين في الأسبوع من الإنجلش، مع العلم أنه لو صار اي تأخر بالمنهج حتماموا فيها بس ما صارت عندنا

❖ هل الدكاترة ما يشرحوا لنا أشياء عشاننا طلاب هاي
ليفل ✖

ممكن، وتختلف من دكتور لدكتور
فيه دكاترة عندهم أمانة، وفيه دكاترة مسوين سكب مسوين
كنتوا هاي ليفل أو لا، وفيه دكاترة حيسو سكب عشانك
طالب هاي ليفل طبيعي تكون عارفين هالمعلومة من
وجهة نظره، ممكن ما تكون تعرفها بس خلاص هذي
نتيجة قرارك، وكل شيء داخل بالمنهج شرحه الدكتور أو
ما شرحه

◆ الدكّاترة يشرحوا عربي أو انجلش؟ ✅

١/ المواد النظرية هي عربية اساساً فدكّاترتها عرب
٢/ الدكّاترة للمواد العلمية غالباً عرب
٣/ الدكّاترة للانجلش فيه عرب وفيه اجانب
المواد العلمية دكّاترتها يشرحوا عربي وشوي انجلش،
المصطلحات التعريف يقولوها بالانجلش
اما الشرح بالعربي عشان تستوعبوا
الانجلش غالباً يتكلم انجلش في انجلش ولا كلمة
عربية، في بعضهم الله يهدّيهم كانوا يهرجوّا عربي في
المحاضرة لكن كم دكتورة تندع غالباً أصبع
محاضرات الانجلش الصدق تحتاج شوي لغة عشان
تستوعب الدكتورة ايش تقول، عشان تشارك براحة، وتأخذ
وتعطى في محاضرتها.. هذا ما يعني أنه لازم، لا ، بس
يفضل.

◆ المواد باللغة الانجليزي كيف بقدر اذاكرها؟ ✅

شوف الكتب حقيقي تخوف وكلام صغير كذا كله انجلش
حتتصدم عيشتك بالبداية، بس بعدين حترف أن الاختبار
كله من السلايدات (شرائح البوربوينت اللي يشرحوا منها
الدكّاترة)

سواء كانت خطناك أ او ب حتنزل لك سلايدات لكل
المواد* عدا الرياضيات* بعضها كان مترجم وبعضها لا ،
السلايد لأي مادة هو زبدة الزبدة، فما حتاخذ الترجمة وقت
معك ✨الوضع بسيط وشوي شوي تتعودوا على نظام
الترجمة والحفظ بالانجلش



توزيع الدرجات للمواد كيف؟ ✕

- ◆ الرياضيات - الكيمياء - الفيزياء - الأحياء - الحاسب - العربي - الإسلامي
- ٢٥ اختبار أول
- ٢٥ اختبار ثاني
- ٤٠ فاينل
- ١٠ بيد الدكتور/ة
- ◆ المهارات
- ٣٠ ميد تيرم
- ٢٠ مشروع
- ٥ شرح
- ٥ ملف
- ٤٠ فاينل
- ◆ الانجليش
- ٣٥ ميدتيرم
- ١٠ سبيكينق (اختبارين كل واحد عليه ٥)
- ٥ رايتنق
- ٥ ملف 
- ٥ اونلاين
- ٤٠ فاينل

◆ ايش هي العشرة اللي بيد الدكتورة ✕

من البداية اقولكم العشرة ذي لكم اخذنها لكم ✨
ويختلفوا الدكتور في طلباتهم ، اللي ادانا هيا كذا ، اللي طلبوا
اشياء بسيطة ، اللي راحت في مشروع وكلام فاضي

تنظيم الوقت

تنظيم الوقت يختلف من انسان لثاني، وماله طريقة معينة عشان نمشي عليها كلنا 
الأهم في هذا الموضوع انك ما تراكم الدراسة عليك قبل الامتحان وتتورط، حتجيكم دروس سهلة بس ما تفهم من أول مرة تحتاج دكتور أو يوتيوب أو أحد يفهمك هيا وتنساها وتتأجلها وقبل أسبوع من الاختبارات تلقى نفسك متورط مو عارف ايش تمسك ، وحتى اللي مو فاهمه ما عندك وقت تسأل أو تطول فيه
حرام فعلاً حرام تضييع الوقت بهالشكل الدكاثرة كلهم موجودين ويرجعوا باللي يجي لهم وعندهم استعداد يعيديولك المنهج، وح يكونوا طالبات وطلاب الدفعه متعاونين إذا تبغى أحد يشر حلنك، وح يكون اليوتيوب والموقع متوفرة.

اهم شيء تذاكر أول بأول

لازم يكون عندك جدول وكل فترة تكون عارف ايش اللي اخذته وتعيد عليه عشان ما تنساه
ايش طريقة الجدول هذا وايش كمية المحاضرات اللي تذاكرها فيه؟ يومياً أو يوم عن يوم أو أسبوعياً؟
كلها إشياء تحددها قدرتك وأنت ايش تبغى؟ تبغى معدل عالي ذاكر كل يوم
بتجييك ايام ما عندك شيء خلاص فاهم كل شيء وذي فايدة التنظيم 

- ١- تذكر ما عندك أسبوع استعداد، هب طب دخل الفاينل وكل امتحان قبله يوم او يومين فحرام تضغط نفسك فيهم 
- ٢- تذكر كل أسبوع عندك اختبار فلو ما قسمت وقتك ونظمته حتىشغل باللي عليك الأسبوع هذا وتنسى تستعد للفاينل 

◆ صحيح التحضيري ضغط وما فيه وقت نخرج ونجلس مع الأصحاب أو الأهل؟ ✕

أبداً أبداً مو صحيح، بالتنظيم الجيد للوقت حتى تقدر تسوى كل اللي تتبعاه، الضغط النفسي كان المسيطر بس كضغط حقيقي أبداً ما كنا مضغوطين

صحيح كانت تجربة جديدة صادمة هذا كان نوع من الضغط في البداية فقط، كثير انصدمنا بأول الإختبارات بأول الأسبوع توتر على هم على زحمة على ضياع وعدم فهم للنظام بس كلنا الأخير فهمنا وقدرنا نسيطر وخرجنا بخمسة وكثير مننا جابوا الميالات في المواد مو بس A+

◆ كيف اقدر استعد واذاكر أول بأول وأنا كل أسبوع عندي اختبار؟ ✕

هذا السؤال حلو مرة، والذكي اللي ينتبه له من بداية السنة اكبر غلط ممكن تسويه انك تتشغل باللي عليك الأسبوع الجاي بس وفقط و تضييع أسبوع كامل على مذاكرة شابتز او

شابترين هذا يعتبر اكبر تضييع للوقت ¹⁰⁰ لازم تعرف تقسم وقتك كويس جداً جداً.. بين مذاكرة الإختبار الجاي وبين المذاكرة لكل المواد الثانية.

وهما شيئاً ملازمين لبعض إذا ذاكرت أول بأول ما تحتاج أسبوع كامل عشان مادة لأنك فاهم ومخلص

وإذا ما كنت تذاكر أول بأول طبعي تتصدم لما تفتح المادة وتجلس أسبوع ترهق نفسك فيها وتنسى المواد الثانية خليك في مربع المهم غير العاجل عشان ما تنتقل للمهم

العاجل وتوتر ✕

حضور المحاضرات ✎

المحاضرات عليها تحضير بس ماعليها درجات، كل مادة لها حد محدد من المحاضرات المسموح فيها بالغياب وهو ٢٥٪ من عدد المحاضرات الكلي، بعد تجاوز الحد حتاخذ حرمان، الأعذار الطبية مسموحة بس شغلتها شغلة - هذا قسم البنات ما ادرى عن النظام عند العيال -

 نصيحتي من ناحية المحاضرات والغياب
شوفوا كل انسان تختلف قدرته، أنا شخصياً كنت اسحب وأجلس على السلايد في البيت والحمد لله أفهم إذا تحس انك ما حتفهم المادة بدون دكتورك لا تخاطر وتنور طفي في البيت، وإذا تقدر تفهم بنفسك اسحب إذا دكتورك ما يفهم أو أنت ما تفهم منه

نصيحتي لمحاضرات الإنجليش

محاضرات الإنقلاش نصيحة لا تسحبوا عليها أبداً، حتى لو كنتوا تعرفوا المحتوى وفاهميته أو دكتورك بس يسولف ما يتكلم في المنهج، أنا ما أقولكم احضروا عشان اختباراتكم، فعلاً في الإنقلاش فيه أشياء كثيير ما تحتاج دكتور يشرح حتى، أنا أقولكم احضروا عشان لغتكم الإنجليزية تتطور، كورس الإنجلش في التحضيري أفضل مكان مجاني تقدر تستفيد منه لنفسك، مجرد استماعك للدكتور وهو يهرج كذا أذنك تتعود شويه شويه حتفهم شويه شويه يصير عندك مصطلحات جديدة، أشياء بجد حتفيدك وكلام كثير حيفيدك، صحيح الإختبار تقدر تفهم نفسك الكتاب وتروح تختبر وتحاخذ الدرجة بس ما حتاخذ لغة، اللغة تجييك لما تجلس تسمع للدكتور وتحاول تحاوره وتكسر حاجز الخوف 

 أنت المستفيد

تجربتي الشخصية في التحضيري ✎

ما تصدقا لو قلت لكم التحضيري كانت أجمل أيام حياتي، حرفياً، كانت تجربة جديدة ممتعة حلوة مدهشة جذابة، كلام كثير ما يوصفها، الجلسة مع الأصدقاء في مكان مافيته قيود زي المدرسة، الجامعة الواسعة الموفر فيها كل شيء، الدفعة اللطيفة اللي كانوا معانا وحبونا وحبيناهم، كل شيء كان مكمل بعضه وصارت سنة ما تتنسى أبداً اتوقع للكل ❤️✨

الترم الأول كنت متابعة شوي بسبب سوء تدبير مني، كنت اقضى كل الوقت (كل الوقت حرفياً) بعيد عن أهلي، حسيت أيام كثير اني محطمة بسبب أشياء ما افهمها، كنت ما أخرج بسبب وسواس قهري صدق كان وسواس يعني أنه فيه بنت جالسه تذاكر الحين هي أحق منك بالدرجة وأحق منك بالتخصص اللي تبغيه المشكلة أني كنت أجلس.. وبعدها؟ ما أذاكر، أجلس ساعات على المكتب وأخرج بسطرين فهمته والباقي ولا دخل مخي، وصلت مراحل كثير طفيت، حسيت اني ما اقدر استوعب شيء كيف بأحل وافقد الثقة بنفسي تماماً بس كنت اسوبي ستوب كبير لي واصحصح، اخذ بريك رغم تأنيب الضمير الشدييد اللي احسه، ارسم او اخط او اقرا او اكلم شخص عزيز وارفه عن نفسي شوي، صحيح كان يفيدني جزئياً ويعطيني دفعه بسيطة للمواصلة بس والله كنت أحس اني متابعة حتى في راحتني من الهم .

الترم الثاني تعلمت استمتع ببريكى، واخذت بركات كثير، تعلمت اكلم اللي احبهم وانسى الدراسة تماماً، وانبسطت، وخرجت ودخلت، ودرست بجد وما قصرت بدراستي أيضاً، تعلمت أسوبي جدول وأطبقه بدون تهاون، وما اقضى أسبوع كامل في مادة، تعلمت ما أشيل هم، تعلمت انها درجات وما تنتهي الدنيا إذا نقصتها والحمدللله جبت ١٠٠ في كل المواد غير الترم الاول اللي كنت عالحافة في مادتين!

● من ناحية اللغة؟ تطورت لغتي كثير من شيء بسيط لمستوى اقدر احاديثك وانا نقاشك وافهم كل شيء تقوله
● من ناحية المواد

وهذا كله تجربتي الشخصية مو قران منزل ولا تاخذوه وتحطوه عقبه قد امكم لأنني قلت كذا

♦ أصعب مادة بالنسبة لي اللي تعبت فيها بجد هي الرياضيات، تعبتني هالمادة، وهي تعتبر أصعب مادة بالتحضيري -نسبياً- وكثير راحت عليهم الخمسة بسببها
كانت من هقة ودسمة، واسئلاتها مو سهلة شوي، جبت فيها ١٠٠ الحمد لله بس فعلاً بعد تعب وهذا عندي نصيحة لكم، إذا ما درستكم دكتورة فاطمة رياضيات روح مدرسة خصوصية، أو حتى أي دكتور/ة بس ما فهمت عليه روح مدرسة خصوصية، الرياضيات المادة الوحيدة في التحضيري اللي تحتاج مدرس، ما حتمشو فيها بالحفظ ولا يوتيوب ولا جلسة بنفسك عالمادة حتفيد.. فعلاً تحتاج مدرس وطبعاً تختلف من شخص لثاني فيه ناس تحب الرياضيات وتقدر تمشي فيه بدون مدرس بس إذا ما حسيت أنك اوكي مع دكتورك فكر بوضعك من بدرى

♦ الانجلش

أول اختبار كان صدمة للجميع، تفاصيلها بمذاكرة كل كل كل شيء في الكتاب وحاتخذوا الفل مارك

♦ الحاسب

كان صدمة في الفاينل بس قدرنا نعديه الحمد لله وصراحة كان تهاون مني لأنه وحدتين باوربوينت واكسيل واغترت

📍 كلمة أخيرة

اتمنى لكم كل التوفيق في حياتكم ودراستكم اتمنى فعلاً لكم سنة جميلة مشرقة سعيدة لكم جميعاً تخرجوا منها بالخصصات
اللي تتمنوها يا رب



وأحب أذكركم انك وصلتو هنا بجهدكم وتعبكم وشديتوا حيلكم كثير وبقي كثير كمان، شدو الهمة وتذكروا أن العلم مو ورقة
وشهادة العلم خلق وأدب

تذكروا أن بكرة انتم حصصيروها ماسكين البلد حصصيروها قادة وزراء ودكتورة ومبرمجين وناس نفتخر فيهم



تقول الحكمة: اغرس اليوم شجرة؛ تنم في ظلّها غداً

جُذُّك واجتهاذك في هذه الأيام، هو الغراس الذي ست养成 في ظلّه في سنواتك المقبلة، فلا تترافقى



مميّزاتك الشخصية لن تُقابل كما يجب، إن لم تُتّوجها بتفوقك الدراسي
دع الاعتزاد جانبًا، وابذل غاية جهادك في الحصول على الدرجات العالية في دراستك،
لا تنزل سقف توقعاتك، لا ترضي بالقليل،
فهناك مراتب أخرى رفيعة تنتظر روادها، وأنتَ أهلٌ لها



فإن أحسنت فمن الله، وإن أساءت أو أخطأت فمن نفسي والشيطان

لا تنسوني من دعواتكم